

Practicista da pictura AFP

Practacist da pictura AFP

Gebäudetechnik, Innenausbau

Durada

2 onns

Terminaziun

Eidgenössisches Berufsattest
EBA

Indicaziuns davart il salari

1. onn d'emprendissadi: CHF
700–750.–
2. onn d'emprendissadi: CHF
820–1020.–

Practicists e practicistas da pictura surtiran parts da bajetgs cun colurs e lacs. Grazia ad els vegnan fatschadas, paraids, palantschieus sura, funs, portas, fanestras ed autras parts dal bajetg da color. Cun lur lavur protegian ed embelleschan els chasas, bajetgs industrials e da commerzi u auters edificis.

Incumbensas

Preparar lavurs

- calcular la surfatscha e con material che vegn duvrà
- empustar colurs u las maschadar sez per survegnir il tun che la clientella giavischa
- plazzar stgalas, chavalluts, punts u sch'i fa basegn palancaus
- fixar folias da palpieri u da materia sintetica cun bindel da colla per proteger il palantschieu u autras parts che na duajan betg vegnir en contact cun color
- distatgar tapetas e rasadas da color veglias u ruina cun spateglias, barschuns, allontanaders da color u auters guaffens
- emplenir rusnas u stgarps, allontanar grass e malgulivezzas, smerigliar e far giu pulvra
- procurar per in sutterren sitg e net e consultar auters spezialists sch'i è necessari

Lavurs da pictur

- dar si color e lac cun il penel , zullas u cun la pistola da squittar, savens cun pliras rasadas (grundar emprim, alura cuvrir)
- applitgar izolaziuns, liadiras, structuradas da surfatscha u spezialas decoraziuns, tut tenor giavisch er producir sez elements decorativs sco reliefs u figuras geometricas
- tatgar u fixar tapetas, tailas u auters revestgiments vid las paraids
- nettegiar il plazzal, ils guaffens ed il material, dismetter il rument a moda adattada a l'ambient
- resguardar las prescripziuns da la segirezza da lavur e da la protecziun da l'ambient

Ambient da lavur

Practicists e practicistas da pictura lavuran en manaschis da picturs. I sa tracta per regla da manaschis pitschens u mesauns. Sco lieu da lavur vegn plinavant en dumonda l'industria da colurs e da lacs.

Pretensiuns e interess

Pretensiuns

- Inschign manual
- Imaginaziun tridimensiunala
- Nagins disturbis da vesair colurs
- Dun per cifras
- Senza sturnizi
- Prontezza d'esser savens sin viadi
- Senn per igiena e per nettezza
- Resistenza corporala

Interess

- Lavurar cun ils mauns
- Dissegnar, decorar, crear
- Esser corporalmain activ
- Esser savens sin viadi
- Lavurar en il team

Scolaziun

Manaschis

En in manaschi da picturs.

Scola

1 di per emna a la scola professiunala.

Curs odaifer il manaschi

Emprender ed exercitar a moda pratica la basa professionala, 16 dis durant 2 onns.

Scola a temp cumplain

Albisbrunn, Zürich

Durada

2 onns

Cundiziuns d'admissiun

Temp da scola obligatoric terminà

Titel da finiziun

Practicist/ Practicista da pictura AFP

Furmaziun cuntinuonta

Curs

Purschidas da scolas specializadas e professionalas sco er dal Schweiz. Maler- und Gipserunternehmer-Verband SMGV

Pictur / Pictura AFQ

Practicists /practicistas da pictura AFP pon absolver ina furmaziun da basa scursanida sco pictura / pictura AFQ (entrada en il 2. onn da la furmaziun da basa).

Suenter èsi pussaivel da frequentar las medemas furmaziuns supplementaras sco picturs / picturas AFQ.

Professiuns sumegliantas

Ulteriuras infurmaziuns

Swissdoc Nummer

TODO

Schweiz. Maler- und Gipserunternehmer-Verband SMGV

<https://www.diekreativenambau.ch/diekreativenambau>

<https://www.smgv.ch/de>

<https://www.smgv.ch/de>

TODO

<https://www.becc.admin.ch/becc/public/bvz/beruf/show/53003?lang=de>